

出曜經卷第九

宮九

尊者法救造 姚秦三藏竺佛念譯

沙門品第十一

截流而渡無欲如梵知行已盡逮無量德
截流而渡者流者結使之本漏出色聲香味
細滑意法猶如江河諸流盡趣于海凡夫結

乙

使亦復如是漏出塵勞色聲香味細滑意法
彼修行人執智慧劍斷而使住不復漏出結
使繩縛是故說漏截流而渡也無欲如梵者
思惟斷欲猶如梵志晝夜精勤勞形苦體暴
露屍骸日夜翹足仰事日月願生梵天受彼
天福爲梵豪尊便於此間專精一意思惟斷
欲修清淨行是故說無欲如梵也知行已盡

者無欲之人內外清淨練精其心無復塵垢
是故說漏知行已盡也逮無量德者如此之
人受供無量施一切凡夫人不如施一須陀
洹所以然者畢當盡一切生死更不處三有
故斯陀含阿那含衆行具足功德無量施百

須陀洹不如施一斯陀含施百斯陀含不如
施一阿那含是故說漏逮無量德

智者立行 精勤果獲 行人執緩 轉更增塵
智者立行或時誦習精微入定坐禪誦經佐
助衆事執意勇健不懷怯弱晝夜孜孜不懷
懈倦是故說曰智者立行精勤果獲也行人

執緩者夫人出家要由精勤晝則經行夜則
禪定不能順從佛教佐助衆事禮拜塔廟方
更懈怠不勤三業遂墮凡夫不至究竟是故
說行人執緩也轉更增塵者凡夫人行不牢
固姪怒癡增已出家學受他信施不能思惟
道德方更虛論萬端行不真正不誦習受是

故說轉更增塵也

夫行舒緩 善之與惡 梵行不淨不獲大果
夫行舒緩者人欲建行要當究竟所願畢果
終不中退然彼行人心意舒遲不能究竟亦
復不能誦習有所成辦不坐禪誦經佐助衆
事是故說夫行舒緩也善之與惡者人欲習

行爲善爲惡要當建志必果所願意欲趣善必成其善意欲趣惡必成其惡習始多者結使隨之習善多者結使尋滅或復苦行具諸

威儀勞形苦體暴露屍骸仰事日月五火自炙卧寢荆棘斷穀服氣或食果蓏欲成所願

是故說善之與惡也不淨梵行者或復持戒

宮九

摸賀天福求生梵天或求帝釋六天魔王復以戒福求作聖王典主四域是故說不淨梵行也不獲大果者果中上者解脫果也最上最尊無與等者但受報果不受證果是故說不獲大果也譬如執菅草執緩則傷手沙門不禁制獄錄乃自賊猶如學術戰鬪相擊乘

二

別慧明或全失戒本或漏脫半皆由不隨善知識習近惡知識便生地獄中是故說沙門不禁制獄錄乃自賊也

譬如拔菅草執牢不傷手沙門禁制戒漸近泥洹路

譬如執菅草者凡學之法當盡師術才技六

藝盡當備具猶如戰鬪當有戰具安腳定心手執弓矢隨意所趣必果其心及獲家業收拾藏舉菅草苗穀亦復如是是故說執牢不傷手沙門禁制戒漸近泥洹路也沙門持戒難動如山不可移轉不爲外邪所見沮壞已離惡知識與牢固善知識從事知泥洹所趣

宮九

三

斯亦復是沙門禁戒減盡泥洹也

難曉難了沙門少智多諸擾亂愚者致苦難曉難了者學道求佛難出家遇師難實爲無所傷損是故說譬如執菅草執緩則傷手也沙門習行亦復如是習戒不牢違失禁法或修或捨若有學人先不學戒入定徑路分居家染著非要不能捨離或同金龕漏壞不

完不能捨離或同牀褥穢漏不淨不能捨離設有一婦盲跛憔悴不能捨離是故佛說蠅困於蜘蛛網鳥困於羅象困剛鐸繫惡馬困於策學人觀此已能永捨居業捐棄妻息除去五欲永離八法便得爲道不著世累少智之者猶蠅投網鳥入羅裏求出甚難是故說沙門少智也多諸擾亂者或以道心無數千方百计便勸語前人使出家學不肯信用心如藕葉水不著汚不但勸出家亦復勸持八關齋亦不信用不但勸八關齋彈指之頃使其念善亦不信用況能捨家學道此事不然猶如國主赦囚出獄牢繫罪人厭患獄者聞輒尋出如避火災愚人樂獄戀慕不出如來出現於世放大慈赦文遍三千大千世界解俗縛著牢固之結漸當離彼生死其中智人有目之士聞大慈赦音者即捨家業出家爲道愚癡少福心不開悟染著世累不肯出家雖聞赦音不入其心是故說多諸擾亂愚者致苦

沙門爲何行如意不自禁步步數著黏但隨思想走

沙門爲何行者修沙門法息意不起愚人起惑謂爲沙門當趣何行於中息心不樂出家是故說沙門爲何行也如意不自禁者當禁制不令色聲香味細滑法得入猶如收苗家

恒遮畜生不令侵暴如鉤調象人心亦復如是恒當將御不令色聲香味細滑法得其便是故說如意不自禁也步步數著黏者其中行人執意不牢猶如輕衣隨風東西亦如輕羽得風則移興念衆想流馳萬端爲三想所牽云何爲三一者欲想二者恚想三者慳嫉

宮九

四

想是謂三想難御難制去無蹤跡來亦無形想爲心使求定難獲是故說步步數著黏但隨思想走也

學難捨罪難居在家亦難會止同利難

艱難不過有

比丘出家心恒著俗追念家業不修福事中

間自念有變悔心何爲出家修沙門法懷抱憂慮如人遭喪鹿驚奔走執意多誤心如猿猴彼心不定亦復如是但念色聲香味細滑法違失戒律進無道心退念家累遂自積罪不至永寂是故說學難捨罪難居在家亦難

會止同利難者如契經所說佛告比丘僧行寄他鄉難素貧乞求難會止同利難汝今比丘若造家乞者恒自下意莫隨彼燒設得好醜勿生是非是故說會止同利難也艱難不過

有者經歷地獄有畜生有餓鬼有佛告比丘沒等所以出家者欲斷三有不生三有捨棄家業永捨妻息皆欲滅有不願生有汝等比丘積有已來經無數世涉苦無量是故說艱難不過有

袈裟被肩爲惡不捐惡惡行者斯墮惡道袈裟被肩者或有人學道外被袈裟內行不純昔有衆多比丘居在山藪無人之處村落郡縣追餉無量其中比丘食薯鮮潔所被衣

裳極細微妙晝夜譚論心不離欲時彼樹神山神觀諸比丘心意所趣皆興欲想欲制止之即現天身而說頌曰

畏死而懷懼 假名爲沙門 身被僧袈裟如老牛長尾

爾時衆多比丘聞天說偈瞋恚隆盛尋報天曰我等是汝老牛耶時彼天神報道人以此偈吾不稱姓字 亦不選擇人 其中穢行者吾故說此人

是故說袈裟被肩也爲惡不捐者彼修行人成就惡法貪欲無忌不守護身口意諸根不具縱恣自由不自收攝是故說爲惡不捐惡惡行者晝夜爲惡勤而不怠如佛說瞿曇契經佛告阿難吾善逝後當來之世有名種姓比丘不修立戒習諸惡法身被袈裟不自禁制是故說惡惡行也斯墮惡道者以惡自纏不能離惡死後便入三惡道是故說斯墮惡道也

至竟犯戒人 葛藤纏樹枯 斯作自爲身
爲恚火所燒

至竟犯戒人者無毫釐戒存在心懷亦無清白之法如彼契經所說佛告阿難吾不見調達有毫釐清白法存在心者設當有毫釐善法存在心者吾不記調達入地獄猶如有人

溺墮深廁不能動轉復有慈哀人欲濟其命觀彼人身頗有淨處屎溺不汙吾欲捉而撓出遍觀其人無處不汙無毫釐淨處至竟犯戒人罪與彼同是故說至竟犯戒人也葛藤纏樹枯者猶如薩盧好樹枝葉繁茂爲葛藤所纏凋落枯死是故說葛藤纏樹枯也斯作自爲身者自招其禍以自剋伐爲衆所嫉不歎其德是故說斯作自爲身爲恚火所燒者北方雪山有草名伊羅又天忿含毒隨風所吹草木悉死海水有魚其名自害在水岸側卧深草中風吹草動觸彼魚身恚毒熾盛身體浮腫再三觸身身壞自終是故說爲恚火

所燒也

所謂長老不以耆年形熟髮白顚愚而已不知法禁亦復不知善惡之法好醜進趣亦復不知戒與不戒犯與不犯不知輕重不知二百五十戒威儀進趣形熟面皺肌皮舒緩

猶如老牛老象雖爲年至顚愚而已可謂食年非智慧年不誦契經律阿毗曇不觀三業徒自受苦是故說所謂長老不以年耆也形熟髮白顚愚而已者形骸已熟命在旦夕當往至彼閻羅王所爲王所詰無言可對存在世時愚心自纏不作善業徒壽於世不觀三業是故說形熟髮白顚愚而已

謂捨罪福淨修梵行明遠清潔是謂長老謂捨罪福者生天人中是謂爲福入地獄畜生是謂爲罪其人已斷更不復生盡其根源不種當來有是故說謂捨罪福也淨修梵行者賢聖八道亦是梵行依此梵行得至善處

盡苦源底是故說淨修梵行明遠清潔者彼長老者成就老法昔波斯匿王治化無外遠近敬附六師相率至王波斯匿所切教王曰沙門瞿曇誇世自稱謂爲第一獨步無侶王可造沙門所語彼沙門汝今瞿曇審成無上等正覺道耶若彼報言成等正覺者王當以

官九

七

此言報之不蘭迦葉等少出家學年在耆艾形熟神疲猶不得佛道汝今學已來日淺十

九出家自云六年苦行云何能成等正覺乎時波斯匿王受六師教誠往至世尊所共相問訊在一面坐須臾退坐前白佛言瞿曇沙門審成等正覺道耶佛報王曰如王所言成

等正覺不蘭六師等少出家學道於今積年形神俱乏不能得成無上道況瞿曇少在王宮五欲自恣不更寒苦年一十九出家求道誇世自稱成無上道耶佛告王曰世有四事最不可輕何謂爲四一者毒蛇瞋恚興盛口吐毒火焚燒山野有形之類皆被其毒是謂

一不可輕二者火雖小亦不可輕焚燒萬物是謂二不可輕三者比丘年雖盛壯亦不可輕神足自在變化無常權慧化人亦無窮極是謂三不可輕四者王子雖小亦不可輕所必然者斬斷自由隨意出教無不從命是謂大王四不可輕時波斯匿王聞佛教誠歡喜

踊躍即從座起頭面禮足便退而去是故說明遠清潔是謂長老也

所謂沙門 非必除髮 妄語貪取 有欲如凡所謂沙門非必除髮者昔佛在羅閱祇城竹園迦蘭陀所爾時世尊告諸比丘摩竭國界快得善利遭遇如來賢聖弟子圍繞於此國界羅閱祇城夏坐九十四日爾時名聲徹十六大國聞如來歡喜說賢聖弟子及比丘僧國界人民倍懷歡喜興敬供養衣被飯食牀褥卧具病瘦醫藥有無量衆生在家窮乏晝夜救命不能自存見諸比丘受自然供旣自營已復無官私恩惟權宜各自相率出家爲道既

爲沙門不能纂修法教誦契經律阿毗曇亦復不坐禪誦經佐助衆事受人信施論不要事佛告諸比丘汝等本在家時不理家業乏於衣裳見諸比丘得自然供養汝等貪著故出爲道形如沙門心如餓虎有何道德饒潤我法爾時如來便說此偈

宮九

世稱卿沙門

汝亦言沙門

形雖似沙門

如鶴伺於魚

佛告比丘剃除鬚髮著三法衣受他信施謂法應爾報應一至億佛不救其中利根捷疾智者即自改往修來承如來教諸有鈍根不能改更遂自招禍是故說所謂沙門非必除

髮也妄語貪取有欲如凡者汝等比丘與惡智相應求離喜法實非沙門自稱爲沙門外視法服似如沙門如來復說此偈

如離實不離 裳裟除不除 持鉢實不持
非俗非沙門 重雨而無雲 苗茂不獲果
比丘離比丘 如晝燈無光

是故說妄語貪取有欲如凡

所謂沙門恢廓弘道 息心滅意 義結不興
所謂沙門者昔有愚人志性遊蕩不別是非
好惡見數十人昇死者出城復值衆人以香
華散於死屍時彼愚人還家寢卧先有鬱金
華裹懸於屋棟繩解華散墮於愚人上愚人

舉聲喚家室告曰吾今已死何不昇我捐棄
家人問曰汝云何爲死報曰汝不見華散我
身上乎家室答曰不以華散身上謂以爲死
所謂死者無出入息身如枯木風去火棄神
識斷去身體剛彊無所復任如斯比者乃謂
爲死汝雖言死像死而不死此比丘衆亦復

宮九

九

如是汝今比丘像比丘非比丘也真實比丘
者威儀具足見小隙畏懼況於大者衆行不
關志趣三道佛辟支佛阿羅漢道具足威儀
戒律如此之比乃謂沙門汝等剃除鬚髮外
被袈裟內懷姦宄所謂沙門恢廓弘道也息
心滅意麤結不興者諸弊惡法已盡已滅更

不復興麤者謂結中根本根本已除則無枝葉是故說息心滅意麤結不興也
謂能捨惡是謂沙門梵志除惡沙門執行自除已垢可謂爲道

謂能捨惡是謂沙門者已息諸惡如契經所說佛告比丘如人稱卿皆云沙門沙門諸比丘對曰如是世尊愚人皆云沙門沙門佛告比丘若應爾者當執沙門若爲梵志當持梵志行是故比丘行如沙門亦如梵志所以然者沙門梵志其行清淨意欲所願必如所念云何爲沙門梵志法所謂沙門梵志法身行清淨或復作是念我所作已辦已成口意亦復如是便得養壽是謂修沙門梵志法梵志除惡沙門執行梵志修行恒以貢高爲首自恃技術自相謂曰吾等婆羅門從梵口生刹利種者從梵天臍生毗舍種者從梵天脇生輸陀羅種者從梵天脚生以梵爲父貢高誇說自謂第一爾時世尊告諸比丘梵志法者

其實不然修梵行人至竟清淨除不善法今諸梵志爲身招禍畜妻養子男女列堂已行不純反更稱說吾從梵天口生是故說梵志除惡沙門執行也自除已垢可謂爲道者修行比丘自除已垢諸惡不善法永盡無餘遊戲於賢聖八品道是故說自除已垢可謂爲道垢有三品上中下垢上上上中上下中上中中中下下上下中下下如此纏結染汙人道盡當捨離修清淨行或有梵志興邪見意謂爲內無塵垢病由外來或入江水或入三華池或入人非人泉沐浴澡洗除去外垢不能除心縛著世尊說曰大人習行至竟清淨除塵垢者當執無上等智能去其垢何以故身外塵垢爲人所疾以第一義除心垢者諸天世人所見尊敬人間塵垢令人墮地獄畜生餓鬼人間塵垢雖以香華熏之猶故復生已捨諸結使戒香所熏終以戒香莫不聞者是故說曰自除已垢可謂爲道

出曜經道品第十二

八直最正道 四諦爲法迹 是道名無爲
以燈滅愛冥

八直最正道者云何名爲正直四諦爲義處
爲四爲緣果爲四以聚故爲四若義故爲四
者是謂三也記苦則無集記集則無苦是謂

一盡二道三苦緣果爲四者是謂五由苦有
緣亦緣有果道亦如是盡諦爲五若以聚爲
四者是謂八先從欲界斷苦後色界無色界
爲二乃至道亦如是立此義已復有說者從
緣果義名爲五苦者亦由緣亦由果盡名苦
迹有迹貪迹慳迹也有難者道迹有緣有果
盡名苦迹亦名有迹亦名慳迹何以故此中
不立二諦答曰制彼論故亦有因緣也於彼
苦集與二論亦無苦亦無集欲制此一論故
有苦有集道者有緣有果則生一論言無道
也欲制此一論故有道是故說有四諦非五
諦更有說者以聚故立此論言有八答曰以

聚義一相欲界苦色無色界苦盡集聚已欲
界行綠色無色行緣盡集已興出生相欲界
行盡色無色行對盡集已名出要相是故說
名爲四諦如慧所觀者知有累無累念知出
要是故說四諦爲法迹是道名無爲者安隱
泥洹滅盡無爲盡捨諸苦是故說是道名無
爲以燈滅愛冥者愛有亦有三欲有色有無
色有彼牢固愛縛著愛主生亂想多諸苦惱
由何而斷答曰賢聖八道永斷不生是故說
以燈滅愛冥

慧離諸淵如風却雲已滅思想是爲慧見
慧離諸淵者非一類淵有若干或言風塵
或言深水塵者汙人身體老少不別令人目
視不明衣裳垢坌上蔽日月使無精光妨人
遠視真僞不別時龍王慈愍世愚惑欲使離
此諸難便降涼風細雨淹塵滅霧曠然大明
是故說慧離諸淵如風却雲也彼執行人專

精一意滅內塵想想者有三欲想恚想癡想此三想者亦不爲塵土生亂念敗壞智慧不至究竟遮智慧目不覩四諦垢染法身使不清明能制此意不興諸想是故說曰已滅思想是爲慧見

智爲出長 懈樂無爲 知受正教 生老死盡
智爲世長者爲最爲上爲微爲妙亦名三義
云何爲三一爲事義二爲見義三爲緣義亦
名眼義首義道義覺義賢聖出要義以此普
照諸法猶如外物有所照明外物者日月星
宿衣服宮殿名入一界入一入入一陰入一
道入一界色界也入一入色入也入一陰者
色陰也入一道者現在道也以此智慧光明
照十八界十二入五陰當來過去現在世以
智慧普有所照多所饒益多所成就是故說
者爲世長也 懈樂無爲者乘此智慧遠離生
死善能分別不懷猶豫亦復分別四諦不懷
狐疑是故說懈樂無爲也知受正教生老死

言方

十二

盡者所以受苦者由其有生若無生者何有
苦哉猶如埠的衆箭競射是身如是衆苦染
著是故說知受正教生老死盡也

道爲八直妙 聖諦四句上 無欲法之最
明眼二足尊

道爲八直妙者外道異學意欲冒道斷穀絕
糧以爲淨行或卧灰糞不著文飾或露形裸
跣形體不覆或卧棘刺枕石漱流或辯髮爲
衣或觀樹葉習筭呪術或事水火日月星辰
或投高山或入深水謂爲成道出尊說曰此
非真道非至要處非善知識所習此道非妙
非賢聖所習如此衆道賢聖八品道爲最爲
上是故說道爲八直妙也聖諦四句上者猶
衆多外道異學皆修妄諦在閑靜處日夜苦
行或事山鳥禿梟鷗鶴或事麞鹿雞狗蛇蛇
謂爲真實得至滅度無爲無作得至泥洹至
解脫門永離憂惱出尊說曰此非真道非至
要處真實諦者四諦是也得至無爲滅盡之

處是故說聖諦四句上也無欲法之最者如契經所說三事最第一也一爲佛二爲法三爲衆所謂法者有爲法無爲法愛盡無欲滅盡泥洹真實法者最尊最上無能過者是故說無欲法之最也明眼二足尊者諸有衆生無足二足四足及衆多足有色無色有想無

官六

十三

想乃至非想非無想如來於中最尊最上無能過者是故說明眼二足尊也

一切行無常 如慧所觀見 若能覺此苦行道淨其迹

一切行無常者變易不停不可恃怙猶電過目斷石見火燄現已滅是故說一切行無常

也如慧所觀見者知之纖漏非真非實爲磨滅法皆歸滅盡是故說如慧所觀見也若能

覺此苦者厭患此苦意不願樂念求解脫永欲捨離是故說若能覺此苦也行道淨其迹者常念修持無上正道見諦所斷能淨其迹也是故說行道淨其迹也

一切衆行苦 如慧之所見 若能覺此苦

行道淨其迹

一切衆行苦者從欲界上至有頂斯是苦際若在欲界求離苦難若在色界數變易苦若在無色界受行爲苦是故出尊說生死熾然一切爲苦流轉五趣不免其苦誰當樂此衆

苦之中是故說一切衆行苦也如慧之所見者夫博學之士探古知今三世通達如掌觀珠皆悉分明是故說如慧之所見也若能覺此苦者以知此苦欲得衆離意常厭患不與同處是故說若能覺此苦也行道淨其迹者唯有賢聖道能淨苦迹是故說行道淨其迹也一切衆行空 如慧之所見 若能覺此苦行道淨其迹

一切衆行空者衆行轉變不可恃怙亦不常住生生即滅流逝不停我空無我空性自爾亦非不爾是故說一切衆行空也如慧之所見者猶如大士觀彼淨水自見其形皆悉分

明彼修行人亦復如是觀諸衆行起者滅者無所墨礙是故說如慧之所見也若能覺此苦者從初積行乃至成道其間涉苦不自覺知爲苦所惑不至究竟如吾今日成得人身遭遇佛世賢聖相值長夜染著五盛陰身今乃自覺知爲非真如我今日觀此五盛陰衆

官力

十四

苦集湊是故說若能覺此苦也行道淨其迹者以苦未知智而滅其迹至竟清淨而無瑕穢盡苦源本令得清淨是故說行道淨其迹也一切行無我 如慧之所見 若能覺此苦

行道淨其迹

一切行無我者無欲無作故一切法無我以

官九

十五

解我狐疑滯

不堅固故一切法無我不自由故一切法無我是故說一切行無我如慧之所見者慧之所鑒照察三十七道品之法猶如有人照於明鏡悉自見形無所墨礙此亦如是以慧觀察皆悉分明是故說如慧之所見也若能覺此苦者彼修行人長夜之中爲此五盛陰身

所見侵欺計是我有我是彼所以實觀之便生厭患能離解脫是故說若能覺此苦也行道淨其迹者住十五心以見諦道斷無常苦空無我永盡無餘以其四行由苦而生苦諦所錄苦未知智斷是故說行道淨其迹

吾已說道愛箭爲射宜以自助受如來言

吾已說道者或有衆生懈怠慢惰自相謂言若使如來神力自在者何能不使我等早成道果又復不能躬自執道內我形中猶如契經所說有異梵志來至世尊所而問斯義說

偈曰

我觀天世人

梵志行清淨

今我重自歸

此爲何義說曰彼梵志者受性頑鈍懈怠慢惰欲使瞿曇沙門與我說道早成其果使我體中結使速得滅盡世尊說偈報曰

吾不解脫卿淨行世梵志欲求極妙道如是得度流

此爲何義報曰梵志已欲求道不假他得若假他得者我坐樹王下則能滅一切衆生心意結使亦以大慈加彼衆生梵志當知不究病根錯投其藥欲蒙祐者其義不然也此亦如是已不修道望彼果報除已結使此義不然猶如梵志良師達鑒審病根源隨病所生而投其藥便得瘳愈終無錯繆此亦如是以賢聖道觀病根源而投其藥身中結使永得除盡或有比丘內自思惟如來出現於世大慈大悲廣被衆生何須勞苦躬自行道爲結使所逼不能得度若使如來普慈一切自當爲我演說道教何故不獨與我除去結使爾

時世尊知彼心中所念是故說吾已說道也愛箭爲射者我先覺知後與人談猶如醫師先學方藥審病根源毫釐不失然後投藥此亦如是先成道果知己結使永盡無餘然後與人說結使病一一分別乃投道藥永無塵翳以無上利箭射彼結使是故說愛箭爲射

也宜以自勗者演道之人爲人說道直趣一向不隨邪曲者成道則易得受果證如來世尊亦復如是與人說道者無形無爲無作安隱滅盡泥洹出言如教亦無虛妄猶如父愛子隨時瞻養推燥去濕復以甘饌飲食食彼諸子諸子放逸不從父教貪著五欲不從正教如來世尊亦復如是廣與衆生演甘露法復以善權方便重說微妙法衆生不肯承受是故說宜以自勗受如來言也

吾已說道除愛固刺宜以自勗受如來言夫如來言教終不復重出言成教更不重演所說安詳終不卒暴所暢法本與義相從觀

宮九

十天

前受化應聞何法輒往度之已說當說隨時布現是故說吾已說道除愛固刺者愛之爲病墮人惡趣不可恃怙於中自拔御以止觀不興愛心猶如毒箭入人脣腋不可得拔此愛箭亦復如是入人心識不可得拔是故說除愛固刺也宜以自勗者常念精勤求其巧

便志趣無上終不中悔亦不退轉是故說宜以自勵也受如來言者如來出世所演言教上中下善義理深邃衆德具足得修梵行是故說受如來言也

是道無有餘 見諦之所淨 趣向滅衆苦此能壞魔兵

是道無有餘者長阿含契經說七佛如來等正覺亦說七世父母種族姓號壽命長短翼從多少神足智慧遺腹兒息毗婆尸如來至真等正覺出現於世人身壽八萬歲生婆羅門種取要言之侍者名無憂集說戒時恐辱爲第一廣說如契經試棄如來至真等正覺出現世時生婆羅門種人壽七萬歲略說其要侍者名吉祥行集說戒時眼莫視非邪廣說如契經毗舍婆如來至真等正覺出現世時人身壽六萬歲生刹利種略說其要侍者名休息集說戒時不害亦不殺廣說如契經拘留孫如來至真等正覺出現世時人身壽五萬歲

生婆羅門種侍者名佛提集說戒時譬如蜂採華廣說如契經拘那舍牟尼如來至真等正覺出現世時人身壽四萬歲生刹利種略說其要侍者名吉祥集說戒時亦不觸燒彼廣說如契經迦葉如來至真等正覺出現世時人身壽二萬歲生婆羅門種略說其要侍者名等覩集說戒時諸惡莫作廣說如契經如我今日釋迦文佛如來至真等正覺出現世時人身壽百歲生刹利種略說其要侍者名阿難集說戒時護口爲第一廣說如契經爾時世尊說七佛根源七世父母名號姓字翼從多少說戒本末時諸比丘聞佛所說各生此念過去諸佛姓族名號各各不同翼從弟子亦有多少所行道禁亦有差別道以不同法亦當異如來世尊知比丘心中所念即於大眾而說斯偈

是道無有餘 見諦之所淨 趣向滅衆苦此能壞魔兵

過去恒沙諸佛亦以此道而自覺悟將諸翼
從壞破結聚豎解脫幢擊大法鼓生死已盡
梵行已立所作已辦更不受有如實知之已
入無憂之境無復生老病死寂然泥洹亦無
起滅無復往還是故說是道無有餘見諦之
所淨也趣向滅衆苦者向斯陀含得斯陀含
向阿那含得阿那含直行成就覺行成就等
業成就志不顛倒漸至於道是故說趣向滅
衆苦也此能壞魔兵者魔有諸縛何者是欲
界行結染著人者於中求便永斷無餘滅重
滅壞重壞盡重盡打重打剥重剥越魔曷界
入色無色界是故說此能壞魔兵也

唯是更無過 一趣如淵流 如能仁入定

在衆數演道

唯是更無過者直至無爲徑趣泥洹越過生

死中不退還住生死岸願召衆生欲與同歸
已得至彼更不還轉是故說唯是更無過也
一趣如淵流者猶如澄靜泉深且清微億百

章九

十八

千衆生懷飢渴者皆能充足亦無飢渴之想
以法味潤之除去結使此亦如是依賢聖道
億百千衆生飢渴於道以甘露法味充飽一
切永無飢渴想兼除結使終無熱惱去不善
行更不復生是故說一趣如淵流如能仁入
定者釋迦文佛如來至真等正覺係意入定
有四事因緣云何爲四一者於現在法而自
娛樂二者遊戲法供三者扶危殺贏定意不
亂四者勸進必至究竟是故說如能仁入定
也在衆數演道者欲使弟子不錯其衆救拔
生死安處無爲沐浴清淨不染塵垢永離輪
轉不興八法亦復不造四百四病是故說在
衆數演道也

一入見生死 道爲得祐助 此道度當度
截流至彼岸

一入見生死者誰能覺知生老源本維衛母
尊本履菩薩行乃能覺知生死源本後與弟
子演說微妙法誰能分別津濁法唯有
一入

道乃能覺知是故說一入見生死也道爲得祐助者菩薩處衆起大慈悲愍一切衆生如母愛子演深道令得解脫是故說道爲得祐助也此道度當度者於過去世佛辟支佛聲聞盡以此道度愛欲海是故說道爲得祐助也此道度當度者當來諸佛世尊如彌勒比

富九

十九

度不可計阿僧祇衆生是故說此道度當度也截流至彼岸者現在釋迦文佛如來至真等正覺度不可計阿僧祇衆生是故說截流至彼岸也

究竟道清淨 已盡生死本 辨才無數界
佛說是得道

究竟道清淨者究竟有二義一名事究竟二名定究竟事究竟者所作事辦必然不疑定究竟者遊戲諸定從一定起復入一定如是經歷數千萬定意欲有所感動隨意成辦是謂定究竟以此正行蠲除心所念法斷諸結使令得清淨猶如塵垢衣浣令清淨此亦如

是以八解脫清淨水洗浴心垢永無塵翳是故說究竟道清淨也已盡生死本者人有生必分當有死老亦由生衆生流轉迴趣五道亦由神識遷轉不停是故說已盡生死本也辯才無數界者如來神德適化無方以辯才蕙遊於無量無數刹土觀察衆生有利根鉢根有虛有實有修正真行者不修正真行者如來皆悉知之是故說辯才無數界也佛說是得道者夫言世界皆有三義一者陰世二者器世三者衆生世陰世者所謂五盛陰是器世者三千大千刹土是衆生世者謂有形之類乃至四生皆名衆生世誰能分別了知衆生答曰唯有如來至真乃能知爾猶如有目之士掌中觀阿摩勒果斤兩大小悉能了知如來等覺亦復如是觀衆生類心意根本悉能分別是故說佛說是得道也
駛流注于海 濬水羨疾滿 故爲智說道可趣服甘露

駛流注于海者有大河名曰恒伽從阿耨大
泉出牛口流辛頭大河者亦從阿耨泉從師

子口出婆叉大河亦由阿耨達泉從象口出
私陀大河者亦從阿耨達泉從馬口出恒伽
河者梵志所事以爲師範外道異學自相謂
言若有學人去恒伽河百由旬外遙三稱揚

宮力

二十

恒伽恒伽恒伽名者雖住百由旬外一切衆
惡盡如蛇脫故皮恒伽水者悉歸于海澄淨
無衆穢是故說曰駛流注于海也瀦水羨疾
滿者以至于海晝夜不息從海復至入焦炭
山從焦炭山復至雪根本山如是漸漸還至
本源晝夜流逝周而復始海亦不滿流亦不
停是故說瀦水羨疾滿也故爲智說道者諸
佛世尊皆名善逝至泥洹滅盡處已得至彼
無有生老病死愁憂苦惱亦復無有飢寒勤
苦盡離此苦故曰善逝是故說故爲智說道
也可趣服甘露者可趣至泥洹境涉求甘露
猶如江河駛流皆名海具成辦海業皆賢聖

法律亦復如是漸漸得至泥洹境界是故說
可趣服甘露也

前未聞法輪

轉爲哀衆生

於是奉事者

化之度三有

皆佛在婆羅柰國仙人鹿野苑中河名婆梨
因彼名故故名婆羅柰國仙人鹿野苑者諸

有神仙得道五通學者皆遊學彼國淳善之
人非凡夫所住時彼國王出野遊獵值群鹿
千頭悉入網裏王布步兵圍繞一帀群鹿驚
懼有失聲擗揆於弦或有伏地自隱形者釋
迦文佛昔爲菩薩時生彼群鹿中爲衆導首
告諸群鹿汝等安意勿懷恐懼吾設方便向

宮力

北一

王求哀必得濟命各令無他時鹿王即向人
王下膝求哀王遙見之勑諸左右各勿舉手
傷害此鹿鹿復舉聲跪向王曰今觀王意欲
殺千鹿一日供廚今且盛熟肉叵久停願王
哀愍日殺一鹿以供廚宰不煩王使鹿自當
往請厨受死肉供不斷鹿得增多王問鹿曰

汝在群鹿中最爲長大耶答曰如是最爲長
大王復問鹿汝審實不答曰審實王即捨鹿
攝陣入城時菩薩將鹿五百調達亦將鹿五
百日羌一鹿詣王供廚時次調達遣鹿詣王
值一鹿母懷妊數月次應供厨鹿母向王自
陳哀苦次應供厨誠不敢辭今垂欲產與子
分娠我次應至子次未至願見羌次小聽在
後調達恚曰何不速往誰能代汝先死鹿母
哀泣悲鳴喚呼輒就菩薩自陳啓曰懷妊日
滿產日垂至願王開恕聽在後次分娠適訖
自當詣厨菩薩問鹿汝主聽汝自陳不答曰
主不見聽菩薩聞已八九歎息慰勞彼鹿汝
且自安勿懷恐懼吾今代汝以供厨宰善薩
鹿王即召千鹿懇切誠勑汝等各各勿懷懈
慢亦莫侵王秋苗穀食調達聞已瞋彼鹿母
汝死應至何爲辯訴不時就死時菩薩尋語
調達止止勿陳此言鹿母誠應次死但爲愍
彼胎子未應死爾吾今當代濟彼胎命菩薩

所念群鹿跪向菩薩各各自陳五等願欲代
王受死王在我存得食水草隨意自遊無所
畏忌王遂意盛捨而詣厨群鹿追逐隨到王
宮鹿王就厨自求供宰厨士先見鹿王分明
識知即往白玉鹿王入厨次應供宰不審大
王爲可殺不王聞斯語自投牀下諸臣水灑
扶令還坐王勅諸臣速將鹿王來吾欲見之
尋將至王所王問鹿曰千鹿盡耶汝何爲來
鹿白王曰千鹿孚乳遂成大群日有增多無
有減少復向人王說鹿根源王自懇責自怨
不及吾爲畜獸不別真僞枉殺生類乃至於
斯王告大臣普令國界其有遊獵殺害鹿者
廿六當取誅戮即遣鹿王將諸群鹿還山自安復
令國內不得食鹿肉其有食鹿肉者當累其
首因是立名鹿野苑也爾時世尊在鹿野苑
中而轉法輪是故說前未聞法輪也轉爲哀
衆生者最初與五人說法及與八萬天人反
覆說四諦真如法本所未聞本所未見亦非

沙門婆羅門釋梵諸天魔若魔天所能轉者是故說轉爲哀衆生也於是奉事者諸天世人所見恭敬處閻浮利地流化教授從六天已下皆蒙濟度問曰何以故但與天人說法不與餘處說耶答曰諸天及人得成道果越次取證衆知自在除就八關齋法除鬼神三

自歸猶如畜獸怯頻闍羅鳥勤精梵行昔有三獸處在深山一者象二者獮猴三者怯頻闍羅鳥象語二獸我等三獸不相敬待各無禮節今當推讓誰應者舊推爲上首時有大樹高而且廣陰五百車獮猴自陳吾昔食其栽象言吾食其標獮猴言應推我爲年耆象即舉獮猴負於脊上去頻闍羅鳥復自陳曰吾昔遊雪山北食甘美果於此大便處即生此樹吾應宿舊應在上首獮猴復負脊上從國至國從村至村齋戒自守共相敬待設得飲食推讓老者城郭村落人民見者怪未曾有四面雲集問其源由三獸自陳昔所經歷

宮九

九三

象雖形大年幼處小敬上二獸如子事父人民感獸各生善心鳥獸猶然況我人乎共相勸勵上人相事舉國人民孝敬者衆自可有此孝順之義但不能越次取證成其道果唯有天人最可奉敬是故說於是奉事者也化之度三有者興敬衆生在在處處見如來形

承事禮敬却行父父乃迴心不離佛三有者欲有色有無色有誰能度此三有唯有佛世尊乃得度爾次有聲聞弟子承佛威神得度三有是故說化之度三有也

三念可念善 三念當離惡 從念而有行滅之爲正斷

三念可念善者隨時興念食息不廢常當念善具衆德本漸得越次受諸果證盡生死源盡有漏成無漏是故說三念可念善也三念當離惡者已離惡念獲何功德答曰不爲心垢所染汙除諸結使染著亦不爲彼結使所使是故說三念當離惡也從念而有行者有

覺有觀遊戲初禪乃至第四禪除弊惡心諸不善法日進其行終不退轉是故說從念而陀難陀波羅二女以酥麻油塗菩薩身諸女有行也滅之爲正斷者以斷智慧智以此滅之云何爲滅或爲亂想抑制善心不隨行三十七品覆蔽諸道果不得露現猶如風塵卒起覆蔽日月不覩光明龍降甘雨隨時淹塵便覩日月精光此亦如是以賢聖甘雨滅心塵垢曠然大悟無復微翳賢聖道果皆悉露現是故說滅之爲正斷也

三觀爲轉念 達獲無上道 得三除三窟無量修念待

三觀爲轉念者昔佛在舍衛國祇樹給孤獨園爾時世尊告諸比丘昔我未成佛道時興三不善念欲念恚念害念問曰爾時菩薩云何生欲念恚念害念耶答曰菩薩苦行六年勤勞從苦起退自還念昔日所更追憶本時歌笑妓樂作倡由是便生欲想復聞調達竊自興意欲奪宮人采女爾時便生恚想二垢

宮外

廿四

和同於中便生害想復次菩薩從苦行起難陀難陀波羅二女以酥麻油塗菩薩身諸女天身極自柔軟狀如天女於彼便生欲想愛想時菩薩便作是念設彼五人給使我不捨吾去者何由使此女以油塗吾身爾時菩薩便興恚想亦興害想二垢和同於中便生害想爾時菩薩復生是念我今已生欲想自損亦損他人二事俱損自損者諸善功德盡捨而去是謂自損云何損他人若食他信施衣被飲食牀卧具病瘦醫藥不能消化遂增塵勞不獲果實衆德有闕是謂損他也取要言之二垢和同者便生害想是時菩薩厭患二事求滅不善想以忍之力降魔勞怨永棄亂想不生惡念速成道果是故說三觀爲轉念也達獲無上道者云何爲無上道所謂無上道者答曰志求出要無欲想無恚想是故說三觀爲轉念也達獲無上道者菩薩坐樹王下發三十四意成無上道所謂無上道者出

過世間天人上三千大千刹土蜎飛蠕動之類於中最上無有過者如彼契經所說七微爲一忽所謂微者不長不短不圓不方不高不下無形不可見故唯有轉輪聖王補處菩薩賢聖天眼通者乃能見爾正使有法過此極

宮力

廿五

微細者如來通達即覺即知是故說逮獲無上道也得三除三竊者住于四禪入清淨定不興想著結使寂滅係意不忘進修不懈遊志三四專一除結是故說得三除三竊也無量修念待者住初禪地思惟念待或於四禪攝內外法亦有念待初禪內有不定想有覺有觀熾然似火焚燒法體外有不定想爲火所燒二禪內有不定想喜受似水外有不定想爲水所漬第三禪內有不定想由風有出入息外有不定想便爲風所動第四禪中內無不定想不爲外法所攝已得念護除內不定想無量者於諸初禪地無量地種所係入

此三昧定者亦復如茲無量無限不可稱計阿僧祇人成就衆行是故說無量修念待也能除三有垢攝定用縛意智慧禪定力已定攝外亂

衆垢之室衆生所居處也能求巧便離三有

者是謂上尊道出過三界是故說能除三有垢也攝定用縛意者不使麤心遊逸在外恒專心意不今外色得便由其三昧難沮壞是故說攝定用縛意也智慧禪定力者以智慧利戟無所不任斷諸結使盡其源本是故說智慧禪定力也已定攝外亂者已身入定能攝外人是故說已定攝外亂也

積善得善行 處處得名譽 逮賢聖八品修道甘露果

積善得善行者夫欲學道當用漸漸如初禪所行二禪爲妙二禪所行三禪爲妙三禪所行四禪爲妙是故說積善得善行也處處得

名譽者如彼晝度樹契經所說忉利諸天遙觀世間某村某落某甲弟子以信堅固出家學道剃除鬚髮著三法衣生死已盡所作已辦梵行已立更不受胎如實知之是故說處處得名譽也逮賢聖八品者如彼學人一趣賢聖八品道滅盡泥洹無爲無作是故說逮

珠 漱流先奏 辨髮上必綿 反 鴟鵟上尺之反
禿梟上土谷反下吉 犀牛也 麋音章 蟒蛇上元頑二
名斷音卓鑿眼始染反 探土念湊七音蠅蠅別
也 反 兔石也 暫見兒探反 念湊七音蠅
膏腋云亦 守

賢聖八品也修道甘露法者彼修行人躬自

行道欲至無上安隱之處服食甘露無終無始所謂甘露者滅盡泥洹是若有學人得至彼者不生不老不病不死是故說修行甘露果也

道品第十一竟

癸未

出曜經卷第九

宮九

模賀莫胡反一也應音好管茅草盲跛上莫我下必刈魚計魚反余陵余陵反黏尼沾沾

屎溺屎音糲糲反降纂子管反恢廓上苦回反溺奴的音昇

余淹塵上一音曠然上許反惔徒敢焯的反射梁上之尹反

出曜經卷第十

宮十

利養品第十三

尊者法救造姚秦三藏竺佛念譯

芭蕉以實死 竹蘆實亦然 駐驢坐妊娠士以貪自喪

昔佛在羅閱城竹園迦蘭陀所爾時有比丘

一

名曰調達聰明廣學十二年中坐禪入定心不移易十二頭陀初不缺減起不淨觀了出入息世間第一法乃至頂法一一分別所誦佛經六萬象載不勝後意轉轉退漸生惡念意望供養染著世利往至世尊所頭面禮足在一面立須臾退坐前白佛言唯然世尊願